



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

XXII. Quod literae, pendente appellatione, impetrari non valent.

**urn:nbn:de:hbz:466:1-15588**

ANNO CHRISTI 1179. dum interposuerunt, non prætermittatis, quin eos ad abiiciendas concubinas, & recipiendas vxores suas & maritales affectu tractandas, per excommunicationis sententiam compellatis.

CAP. XXI.

*Idem Eboracensi archiepiscopo, & R. presbytero.*

Ad præsentiam nostram R. presbytero veniente, episcopo Tusculano & P. sanctæ Susannæ cardinali, tuam & ipsius causam commisimus audiendam: qui ob excommunicationem tuam, licet non esset excommunicatus de iure, de facto tamen fecerunt eum absolui. Quia vero quod a fratribus nostris noscitur in hac parte constitutum, nolumus aliqua ratione mutare: fraternitati vestræ, &c. quatenus prædictum presbyterum pro eo quod post excommunicationem contra appellationem factam diuina cantauit, nullo modo attentetis inquietare, sed ad eum statum omnino reducatis appellatione cessante, in quo erant tempore appellationis ad sedem apostolicam factæ.

CAP. XXII. *Idem Carnotensi episcopo.*

Ex literis venerabilis fratris nostri Bathoniensis episcopi, & dilecti filii nostri V Vellensis decani accepimus, quod cum causam, quæ inter Giclericum præsentium latorem, & abbatissam de Helenostoue, & H. clericum super quodam beneficio de ecclesia de VVestonensi suscepissent de mandato prædecessoris nostri I. felicis memoriae terminandam, de ipsa plenius cognoverint, sed pro decessu prædecessoris nostri eam reliquerunt, quamvis appellatione remota eis esset commissa, indecisam. Adiecit autem præfatus clericus, quod persona abbatissæ, ut sententiam impedit, & eum amplius pro sua voluntate grauaret, ad festum beati Petri proximo venturum, vocem appellationis emisit. Sed ipse ad festum inventionis sanctæ Crucis proximo venturum, terminum coarctauit: infra quem nuntius abbatissæ clericum suum præueniens, ad dilectos filios nostros abbatem sancti Albani, & priorem de Denustaple, & archidiaconum Cicestrensem super iam dicta causa literas nostræ commissionis impetravit. Quoniam igitur alienum est & ab ordine iuris, ut de dolo vel fraude quilibet com-

modum reportet: fraternitati tuæ, &c. quatenus literas  
quas nuntius abbatissæ ad prædictos iudices impetravit, ti-  
bi facias exhiberi; & ipsis inspectis, si eas infra terminum  
appellationi præfixum, sicut præfatus clericus afferit, ob-  
tentas fuisse cognoueris, eis non obstantibus, de prædicta  
causa cognoscas, & auditis quæ hinc inde proposita fuerint,  
& qualiter prædictus episcopus & decanus in ea processer-  
unt, cognito, sublato appellationis remedio canonicum  
finem imponere non postponas: prouisurus, vt mandatum  
nostrum taliter exequaris, vt super causa ea, de qua toties  
scriptum est, vterius scribere non cogamur. Si quid autem  
eidem G. super beneficio ipso grauaminis irrogatum fuerit,  
postquam iter arripuit ad sedem apostolicam veniendi, ante  
ingressum principalis causæ contradictione & appella-  
tione cessante, prout rectum fuerit, eneruari.

CAP. XXIII. *Idem Cantuariensi archiepiscopo.*

Cum teneamur consultationibus singulorum, quantum  
Dominus ministrauerit, respondere; tanto grauius  
volumus tibi responsum impendere, quanto personam  
tuam abundantiori diligimus caritate. Quoniam igitur nos  
consulere voluisti, vtrum si eorum qui appellant ad au-  
dientiam nostram, possessio turbata fuerit, reformare de-  
beas, eo prætermisso, de quo appellatio est interposita;  
prudentiæ tuæ taliter respondemus: Si exinde ad te querela  
peruenerit, id ordine iudiciario tibi corrigere licebit.

## CAP. XXIV.

*Idem uniuersis ecclesiæ Cantuariensis & eius suffraganeis.*

Significauit nobis frater noster R. Cantuariensis archi-  
episcopus, quod si quando vos appellatis ad audientiam no-  
stram, vel archidiaconi vestri super aliquo certo negotio,  
episcopatus vel archidiaconatus vestros sub protectione  
apostolica ponitis ad annum, & infra: nec de præteritis  
commissis, nec de nouis excessibus vestris, nec de subditorum  
vestrorum delictis permittitis eum cognoscere, sed  
omnem iustitiam eius suspenditis, & protinus euacuatis.  
Quoniam igitur nobis prouidendum est, ne mala impuni-  
ta sub appellationis obtentu remaneant, aut subditi vestri  
de suorum excessuum impunitate latentur: fraternitati  
vestri,